

如來師子吼經

毀

元魏天竺三藏佛陀扇多譯

如是我聞一時婆伽婆住日月宮中勝藏殿上與大比丘衆九万九千億人衆俱菩薩摩訶薩八万四千億那由他百千万人

尔時世尊告勝積菩薩言汝往北方去此世界六千億恒河沙等諸佛世界復過百千万億算數世界之外有佛世界名曰歡喜彼中有佛号曰法上如來應正遍知於今現命現住為衆生說法彼佛世尊於今欲說大師子吼方廣法門汝可往聽善男子彼勝法門甚難得聞

勝積菩薩即受佛教如說修行往彼世界頂礼法上如來足已右遶七匝却坐一面勝積菩薩坐一面已法上如來知而問曰汝善男子從何所來勝積菩薩默然不答時彼衆中天龍夜叉乾闥婆阿修羅迦樓羅緊那羅摩睺羅伽人非人等皆作是念有何義故此勝積菩薩三界大將問已不

報默然而住如來師子吼經 第三卷 毀

尔時世尊目如廣長青蓮華形師子遊戲遍觀十方知諸大衆有疑念故即放光明放光明故法上如來出金色光遍照十方無量百千万種雜色於是世界六種震動十方世界有諸菩薩集彼世界現諸色像種種妙狀見彼如來所放光明種種事已集彼國土皆共頂礼彼如來足礼佛足已各隨已分善根功德坐蓮華座

尔時會中電焰菩薩即從座起整服左肩前至佛所右膝著地合掌向佛歡喜踊躍白言世尊如我今見世尊所放无量光明我從昔來初未曾見此大光明善哉世尊願說此事何故大悲放此光明願說其意尔時電焰菩薩以偈問曰

諸無上大士非无因無緣而放此光明願為我等說實說是憐愍為利益衆生而放大光明是何因緣說
尔時電焰菩薩見如來身閻浮檀色所放无量百千億光猶如金幢自在顯現見已即問法上如來而作是言

如來師子吼經 第三卷 毀

世尊我亦曾見无量光明初未曾見如是光明諸勝妙事彼佛答言如是電焰如汝所說少有地分彼地分中諸佛如來放如是光非無因緣現如是相汝今電焰諦聽諦聽善思念之我為汝說諸佛如來有所為故放光明事善男子汝若聞已勿生驚疑勿生怖畏何以故諸佛境界不可思議無量勝願不可思議莊嚴之事不可思議善男子汝見此事勿生驚疑電焰當知勝積菩薩是釋迦佛遣到我所歡喜世界汝為見不電焰菩薩答彼佛言已見世尊已見善逝佛言善男子此勝積菩薩我向已問言善男子汝從何來彼即不答默然而住善男子我見此事故放光明善男子以何義故我問不答大衆聞已即生驚疑默然而住佛言善男子此族姓子云何如來問而不答

勝積菩薩白佛言世尊云何世尊於未來世諸法性中而問我言善男子汝從何來佛所證法是不可說一切法性皆不可說我無辯才可能說言

從某處來

如來師子吼經 第四卷 設

尔時如來告大衆言諸善男子此善男子略說一切法示真實道處是勝積菩薩於无等法中不可說不可演離文字離上離下離來離去一切道斷不可見阿耨梨耶處離心意意識離因緣處无名無言不可演不可說不可見離諸眼道非積聚處非言說處非曾有處離相處離於一字所謂字不可演說云何答我

尔時光音菩薩以佛神力而白佛言世尊若无可說一切諸法而有說者一切癡人所有言說亦是說法佛言善男子如是所說非但一切愚癡說法非愚癡者亦有說法雖如是說而不覺知

尔時光音菩薩白佛言世尊願世尊說云何一切衆生說法而不覺知尔時世尊告光音菩薩言善男子譬如世間生育之人日光所照依日光住而不能知日輪何相日光何色若有餘人語盲人言日之光明有如是相而日光明離諸名字非是衆生所可

言說因緣事故聞是音聲善男子譬

如來師子吼經 第五卷 設

如世間深山谷中有諸音響因緣故生善男子山谷是空音響是空因緣故生善男子衆生言說志入辯中若未說時未起心時名為法辯若已起心未言說時名為義辯若至斥法演說之時名為辯辯若以无障無碍說時名樂說辯是故善男子一切衆生所有言說皆志不離四法門義而不離實際如彼生盲以教示時則知日輪及日光明捨彼慢心善男子欲求義者彼人當於自身中求善男子若欲求菩提者應於自身五陰中求說是真實語義法時於彼三千大千世界六種震動有大光明遍照世界法上如來出廣長舌遍覆三千大千世界彼光明中復出無量百千万光以彼光明照於地獄餓鬼畜生上至有頂皆悉遍照尔時彼佛還攝光明告大衆言諸善男子終無如是舌相光明而有虛說汝等應當善信善念我說真實

尔時住十地菩薩以為衆首彼衆一

如來師子吼經 第六卷 設

切天龍夜叉乾闥婆阿修羅迦樓羅緊那羅摩睺羅伽人非人等從座而起合掌同聲作如是言願世尊說願善逝說如實法義我等大衆以佛神力是故終無疑惑之心尔時世尊告大衆言諸善男子此乃是大師子吼我今欲說安樂利益諸衆生故乃至天人善男子娑婆世界彼有世尊号曰釋迦牟尼如來應正遍知於今現在現命現住為衆說法善男子今我身是法上如來為利衆生是故於彼娑婆世界示種種相而為說法

尔時大衆聞是說已甚大歡喜踊躍无量數如來言善哉善哉世尊願一切衆生皆作如是大師子吼如今世尊在此衆中大師子吼世尊若有聞此師子吼者彼諸衆生不得名為種少善根若復有人得聞如來大師子吼聞已信受何況復有讀誦受持為他廣說供養此經香花塗香末香燒香種種衣服寶幢寶蓋世尊當知是諸衆生是佛所加若有聞此大師子吼修多羅句一經於耳者彼諸衆生

非種微小善根功德

如來師子吼經

第七卷

三

今時世尊讚彼菩薩作如是言善哉善哉善男子如汝所說彼諸衆生非種微少善根功德而得聞此若能聞此如來所說大師子吼修多羅句生歡喜心乃至微言唱一善哉善男子是我所護及是弥勒菩薩所護彼悉以肩持我菩提若於五濁惡世之中而能信受此修多羅是我過去已曾化者亦阿逸多菩薩所護彼人已竭生死大海已降魔衆除滅煩惱已震法雷已擊法鼓已離女身已降諸怨已能滅除諸煩惱衆善男子若有善男子善女人滿十阿僧祇三千大千世界諸佛如來一切所有供養之具而供養之若復有聞此真實義修多羅句能信受者以信心故唱言善哉得福過前供養三千大千世界諸佛如來以是義故諸善男子汝等若有信我語者應當書寫受持此經善男子隨何方處書寫供養此經典者當知其家則有如來

今時勝積菩薩電焰菩薩光常菩

薩淨眼菩薩無畏菩薩觀世自在菩薩得大勢菩薩文殊師利菩薩辯積

如來師子吼經

第八卷

菩薩蓋一切障菩薩作光明菩薩及普賢菩薩如是等八万四千億百千菩薩白佛言世尊我等於未來世當廣宣說此法門句世尊有諸衆生聞此經者是人亦名得涅槃者世尊若有能信此修多羅被諸衆生非是始種微少善根世尊若聞此經一經於耳何況具足讀誦受持彼諸衆生所得功德百千億劫說不可盡

今時世尊告諸菩薩摩訶薩言善哉善哉諸善男子汝等應當如是護持如來正法佛說此法門時勝積菩薩及彼大衆皆大歡喜

如來師子吼經

癸卯歲高麗國分司大藏都監奉
勅彫造

如來師子吼經

校勘記

- 一 底本，麗藏本。
- 一 二〇〇頁上一行及卷末經名，經、清作「佛說如來師子吼經」。
- 一 二〇〇頁上二行譯者，資、磧、晉、南、經、清作「元魏天竺三藏法師佛陀扇多譯」。
- 一 二〇〇頁中一行首字「報」，磧、南、經、清作「答」。
- 一 二〇一頁中六行第一二字「斥」，資、磧、作「片」；晉、南、經、清作「行」。
- 一 二〇一頁中一九行「皆悉」，磧、作「悉皆」。
- 一 二〇一頁下二〇行「末香」，資、磧、晉、南作「秣香」。
- 一 二〇二頁上一行第四字「小」，資、磧、晉、南、經、清作「少」。
- 一 二〇二頁中一行第二字「淨」，資、磧、晉、南、經、清作「靜」。